



TOSHKENT DAVLAT YURIDIK UNIVERSITETI REKTORINING B U Y R U G ' I

2021 -yil « 3 » 03

02-55 -son

Талабага нисбатан қўлланилган интизомий жазо чорасини муддатидан олдин олиб ташлаш тўғрисида

Университет ректорининг 2020 йилнинг 15 июль куни 02-94-сон буйруғи билан Жиноий одил судлов факультетининг 4-курс талабаси Додоев Шероз Ўринбой ўғлига нисбатан ҳайфсан интизомий жазо чораси қўлланилган.

Ҳозирда талаба Ш.Додоев, университет Одоб-ахлоқ кодекси ва Ички тартиб қоидалари(ички меҳнат тартиби қоидалари)га зид бўлган хатти-ҳаракатларни бошқа такрорламаслигини, тўғри хулоса чиқариб олганлигини, университетда ўтказилаётган тадбирларда фаол иштирок этаётганлигини, шунингдек, Ўзбекистон ёшлар иттифоқининг университетдаги бошланғич ташкилоти томонидан муддатли ҳарбий хизматни ўтаб тавсиянома асосида, тўлов-контракт шаклида ўқишга қабул қилинган талабаларни моддий қўллаб-қувватлаш учун тавсия этишга қўмаклашиш бўйича ишчи гуруҳга ҳужжат топшираётганлигини, унга қўлланилган ҳайфсан интизомий жазо чораси эса моддий ёрдам олишига тўсқинлик қилишини баён қилиб, мазкур интизомий жазо чорасини муддатидан олдин олиб ташлаш тўғрисида факультет деканига ариза билан мурожаат қилган.

Шунингдек, талаба Ш.Додоев Ўзбекистон Республикаси Олий Мажлиси Қонунчилик палатаси ҳузуридаги “Ёшлар парламенти” аъзоси эканлиги, Ёшлар парламенти томонидан ўтказилиб келинаётган тадбирлар ва лойиҳаларда фаол иштирок этиб келаётганлиги, Тадбиркорлар ва ишбилармонлар ҳаракати – Ўзбекистон Либерал-демократик партиясининг Сирдарё вилояти “Ёшлар қаноти” ҳамда “Юксалиш” умуммиллий ҳаракати аъзоси эканлиги, университетда ўтказилган бир неча тадбирларда фаол катнашиб диплом ва фахрий ёрлиқлар билан тақдирланганлигини тасдиқловчи ҳужжатларни тақдим этган.

Бундан ташқари, Ўзбекистон Республикаси Олий Мажлиси Қонунчилик палатаси ҳузуридаги “Ёшлар парламенти” раиси Ж.Бобоев ва Ўзбекистон Ёшлар иттифоқининг Тошкент давлат юридик университети бошланғич ташкилоти етакчиси Н.Иноятовлар томонидан берилган тавсифий – тавсияномаларда унинг фаолиятига оид ижобий хислатлар келтирилган.

Тошкент давлат юридик университетининг Ички тартиб қоидалари (ички меҳнат тартиби қоидалари)нинг 83-банди 4-хатбошисида “Талаба ёки докторантга қўлланилган интизомий жазо унинг намунавий хулқ-атвори, ўқишидаги юқори кўрсаткичлари, илмий-тадқиқот ишлари ёки университет ижтимоий ҳаётида фаол иштироки учун тегишинча факультет декани, Магистратура бўлими бошлиғи ёки Илмий бошқарма бошлиғи билдиргисига асосан ректорнинг буйруғи билан бир йил ўтмасдан олдин ҳам олиб ташланиши мумкин” деб белгиланган.

Юқоридагиларни инобатга олган ҳолда, университет ректорининг 2021 йил 1 мартдаги 08-44-сон буйруғи билан тасдиқланган Тошкент давлат юридик университетининг Ички тартиб қоидалари (ички меҳнат тартиби қоидалари) 83-бандига асосан ҳамда Жиноий одил судлов факультети декани Д.Камалованинг билдиргисига мувофиқ,

БУЮРАМАН:

1. Жиноий одил судлов факультети 4-курс талабаси Додоев Шероз Ўринбой ўғлига нисбатан қўлланилган ҳайфсан интизомий жазо чораси муддатидан олдин олиб ташлансин.

2. Жиноий одил судлов факультети декани (Д.Камалова) мазкур талабанинг шахсий ҳужжатлар йиғмажилдига буйруқ нусхаси тикилишини таъминласин.

3. Мазкур буйруқ бажарилишини назорат қилиш проректор А.Хашимхонов зиммасига юклансин.

Ректор



Р.Ҳакимов